

祭東御元帥文

嗚呼太白曉沈長城邊隕薰風解愠却唱薤露之歌  
碩果難留空懷柱石之寄維時昭和九年五月卅日  
元帥海軍大將從一位大勳位功一級侯爵東鄉平  
八郎公薨於東京天子震悼廢朝萬姓彷徨失望是  
實由忠誠之貫白日功績之照汗青者也東都布衣  
某製文私祭曰恭維我公篤生薩南起家寒族始冠  
即遭際外夷跳梁夙國威之發揚既長而揣摩宇  
內情勢志切水師之整頓乃負笈養長才于英京八  
年旋率艦示善斷于黃海一擊因此朝野始知名中

外齊矐目矣征俄事起公乃奉詔督全軍水師負一  
 世輿望渾金璞玉光壓連城之珍鍊肝丹心勢吞長  
 蛇之陣克副寄托之重任博求參贊于群英金針密  
 度期無縫之天衣已制一著于機先籌画周詳警漏  
 隙于蟻穴能保萬全于事後或斷水城之連衡或燒  
 鐵鎖而永沈渤海清浦港風息三戰三捷興歌盈  
 途再接再厲游刃有餘大兵遠屯境外接擠洞中機  
 宜運輸又安精銳雲集既而鵬程万里艤艫從北溟  
 未攻鶴翼十重旌節在西隅邀擊慘乎不驕壯士軒  
 昂輕命多益善將軍沈勇超群指揮一定脈絡皆

靈鼉虎相搏砲火交迸海波騰沸乾坤為震掣電爽  
 雷烈焰熒煌夷艘壘舶片時灰燼霧散悍兵驕將轉  
 瞬蛾焦冰融我武維揚矣彼帥已獲矣連天之長鯨  
 望紅旭而沒影衝網之跋鼈跋白波而俯頭一艦無  
 虧睦珠燦爛群隊仍存金環圓明奇功預卜元因惟  
 嶠之嘉謨良猷壯士生還一仰皇恩之明佑暗助得  
 對祖宗之神靈優詔下自天三軍將士感淚滂沱深  
 南皇國之興廢捷書來自海率土臣民歡呼雀躍澀  
 兒遜唯止僵弱敵是利哥不能制強剛緬想賢豪孰  
 為倫比当年元兵趁迅颺而去北條之武功存史冊

此日俄艦隨駭浪而空東鄉之威靈裊寰區快音選  
 傳纓緋越境底定戰局氣吞彼都從此妖氛銷于東  
 海瑞氣覆于金甌矣鏡吹凱旋虛懷若谷戎衣拜闕  
 隆恩不次重望爭歸綠野名將今覩白頭兒童走卒  
 諳蓋世之功業海外侯王欽絕倫之英姿恩綸屢下  
 而晚節彌謙柱石方仰于朝端大星忽墮于天外巨  
 舟怡棹險灘而摧老鳳遥攀菴髯而逝時年八十有  
 八嗚呼忠貞弼亮堪對明治聖帝皇輔翼啟沃可見大  
 正先帝垂武將之先型為人臣之表率公可以瞑公  
 可無憾名存口碑耀光于青史流臣子千古之芳勲

留牙艦遺蹟于海門為邦家萬年之鎮哀哉尚享

